



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 19. Castrensis urbs à Sociis excolitur.

urn:nbn:de:hbz:466:1-38528

tatum reliquiæ, urbeculam ab Castro dictam condiderunt; quam Angli pyratæ anno seculari pœnè in ortu devastarunt. Post quam devastationem vix triginta cives remansere. In altera è vicinis Insulis (quas infra describemus) arcem ciuam posuere, octoginta militum Hispanorum præsidio firmatam, qui, quia terum omnium indigent, non raro imbellibus indigenis graves sunt. Gens maris ejectionis ferè vivit, quocirca ante adventum Hispanorum ora maritima solummodo habitabatur; sed postmodum, vexationum metu, Insulani interiora terræ pervadunt, & in abruptis montium locis latebras querunt, libertatis specie extremam rerum omnium inopiam sibi comparantes. Infexta reticulatum conchilia pro umbilicalibus subligaculis habent, cæterà nudi. Sub initium aditæ Insulae, quindecim familiarum millia censita sunt. Unicum navigium, singulis annis è Chileno regno à Prætore missum, Hispanis subsidia vehit; reliquis temporibus eò nusquam navigatur. Scaphæ per eas insulas in usu sunt, ex tribus tabulis, crasso fune inter se consutis, compactæ, quarum rimas corticibus arborum maceratis obducunt. Nec unquam sine ingenti periculo in his scaphis, quas Pyraguas vocant, transfretatur. Sed majus discrimen ab Chilenis rebellibus, ad quorum littora Chiloë tota quanta est protenditur. Quare, si maris ac hostium pericula, si cœli terræque conditionem, si Barbarorum ac Hispanorum inopiam consideres, ut pœnè terrarum ultima est, sic extreum miseræ attigisse videtur. Verum hæc omnia acuebant desideria Sociorum, gloria discrimina & summas miserias pro propagando Christi imperio multis votis ambientium.

AD hanc Insulam delati Melchior Vanegas, vir inter Societatis prima decora ab Nierembergio posteà relatus, & Joannes-Baptista Ferruinus, Didaci Torres missu, ducentis & quinquaginta leuis terræ marique è Chilensi regni metropoli, unde discesserant, confectis, ab Hispanis, Castrensis urbis incolis, benevolentissime excepti sunt. Mox in ædibus Chiloënsis Præfecti dono acceptis, Sacello adaptato, conciliatisque civium animis, ac Sacramento expiatris, toto se impenderunt in salutem Barbarorum. Pauculi Sacerdotes externi in ea opinione hactenus fuerant, ut existimarent indigenas, tanquam Christianorum Mysteriorum incapaces, negligendos esse; quare rari admodum, prater primum Sacramentum, Sacra nostra capessiverant: sed Sociorum quadrimestri labore & Catechesi effectum, ut qui Hispanis serviebant, vix ab Dominis suis differre viderentur, adeò promptè capiebant legis Christianæ elementa: quare non tantum Baptismo, quo plurimi carebant, Exhomologesique digni sunt habitu; sed etiam, stupentibus ad novitatem Hispanis, ad Sacram Mensam, post severum examen, admitti meruerunt. Tanta porro novos homines ceperat Sacrorum cupido, ut diem præverentes, ante crepusculum Socios interpellarent; nec de die sinerent cibum quietemque sumere: quo ardore animorum usi, nihil non à Barbaris impetrabant. Scorta plurima in legitima matrimonia commutata, violentæ adeoque nullæ conjugum sponsiones denuo sanctæ, aut distraictæ, nemo inventus qui Baptismum renueret, nemo qui non injurias condonaret, & ipsi adeò Hispani, ratione ac exemplo permoti sunt, ut vellent cum mortalium misericordiis mitius agere. Denique ex tota Insula adolescentes Indi adyesti sunt, ut Christianâ doctrinâ per Patres imbuti, populares suos vicissim docerent eadem illa, quæ ipsi in Catechesi didicissent.

QUATUOR mensibus in Castrensi urbe positis, mense Julio jam adulto scapham ascendentes, nihil Oceani furias veriti, Insularum pagos inspectum ivere. Viginti-quinque omnino erant, quorum municipes nullum hactenus Sacerdotem viderant, nisi ferè ut vexarentur: quapropter Socios, integratatis famam jam cognitos, summâ benevolentia excipientes, quando aliud non poterant, ex arborum ramis arcus triumphales erigebant: pueri puellæque, more supplicantium, floribus se coronantes, prælatâ Crucis floridâ, cum parentibus suis obviam prodibant. Nemo erat, qui non in canistro ostrea, pisces, ova, aves Sociis non

De Insula-
norum con-
ditione.

Piraguas na-
vigatorum.

CAPUT
XIX.
Castrensis
urbs ab So-
ciis excolu-
tur.

Aviditas
discenda ca-
techesis.

CAPUT
XX.
Chilencis
Insulani
froctuose
ab Sociis
adeuntr.

Barbarorum
Chiloënsium
pietas.

offerret: